

colite, reminiseimini pactionum Deo teste compositarum. Nam hoc vel cogitasse scelus est maximum, aggredi autem velle magna est dementia. Ille acephalus et totius indisciplinationis est signifer, qui capud Christum reiecit et regem filiorum superbiae, diabolum, elegit. Qui si recoleret dominicam sententiam qua dicitur: quid¹ autem vides festucam in oculo fratris tui et reliqua, pacificaret primum et resarciret destructa et vastata regni sui et tunc ordinata caritate procederet ad consolidanda et reparanda collapsa regni alieni. Itaque a talibus ausis pedem revocet, ne Deum exacerbet ac iram eius contra se provocet. Absit, ut dulcia usque in exitium syrenarum cantica, ambiciosorum videlicet et malignantium achitofelica auscultet² consilia. At si tam impios motus salubri consilio non coercuerit, cum excommunicatis excommunicatus erit, simulque cogemur cum propheta dicere: curavimus Babylonem³ et non est sanata; derelinquamus eam et revertamur unusquisque in terram suam⁴.

2.

Nam cum Hilarius papa, quod saepe tibi memorandum et memoriae recondendum est, dicat, quia non minus in sanctarum traditionum⁵ sanctiones delinquitur, quam in ipsius Domini iniuriam prosilitur⁶, et tu haec commenta tua, quae contra sacras regulas, <contra> durum tibi stimulum calcitrando, porrigenda Domino regi compilare et quaedam detruncando, quaedam imposturando, pia sanctorum verba depravare studueris et episcopis obtuleris, et a clericis Laudunensis ecclesiae ac parrochianis presbyteris subscribi feceris, et plurimos perturbaveris et a vinculo pacis atque unitate catholicae unanimittatis, quantum potuisti, segregaveris, non te palpes, non te decipias, quasi a damnatione in Macharium et Macedonium iaculata sis exceptus vel alienus, quoniam, ut sanctus Gelasius dicit, idem ipse error, qui semel est cum suo auctore damnatus,

1) Vgl. Matth. 7, 3. 2) 'aufultet'. 3) 'Babilonem'. 4) Jer. 51, 9. — Nicht mehr hierher scheinen zu gehören die in der Hs. unmittelbar anschliessenden Sätze: 'Ut quid vomeres vestros conflatis in gladios et falces in lanceas, ut levet gens contra gentem gladium (vgl. Is. 2, 4)? Clama, ne cesses, quasi tuba exalta vocem tuam et adnuntia populo meo peccata eorum et domui Iacob scelera eorum (Is. 58, 1) et esto quasi aquila super domum Domini (Osea 8, 1). 5) 'tradiciones' corr. 6) Ad Leontium, Veranum, Victorium, Migne LVIII, 21, Thiel 154, von Hinkmar in den Differenzen mit seinem Neffen wiederholt angebracht: Migne CXXVI, 332, 417, 430 (zweimal), 513, 537.